




Extrait du Paroisse de Guingamp

<http://paroisse-guingamp.catholique.fr/spip.php?article58>

Iliz-rouanez Itron-Varia Wir-Sikour, Gwengamp

- Patrimoine -



Date de mise en ligne : Mercê€™her 6 a viz Du 2013

Copyright © Paroisse de Guingamp - Tous droits réservés

Un iliz a-hed ar c'hantvedoù



Iliz-rouanez Itron-Varia-Wir-Sikour, Gwengamp

Ar pouezusañ savadur relijiel e kêr Wengamp eo iliz Itron-Varia-Wir-Sikour : er gêr kloz emañ an iliz parrez abaoe an unnekvet kantved.

Aet da get hiziv-an-deiz, ilizoù e-maez-kêr e oa Sant-Salver, An Dreinded ha Lomikael.

<dl class='spip_document_67 spip_documents spip_documents_left' style="float:left;">



Er C'hreisteiz, tour plat ha birell 57 m uhelder

Meur a gantved en deus padet saverezh an iliz-mañ :

<dl class='spip_document_68 spip_documents spip_documents_right' style="float:right;">



Eus an Hanternoz, adalek ar blommenn

- d'an unnekvet ha d'an daouzekvet kantved : un iliz doare roman gouestlet d'an Itron Varia ha ne chom anezhi nemet peulwaregoù ar groazenn, ensterniet en ur savadur nevesoc'h.
- d'an trizekvet ha d'ar pevarzekvet kantved : un iliz doare gotek, daou dour warni, a sko war ar C'hornog (pe : Kuzh-heol) ; ur stroll a bemp nev pengennet d'ar Reter (pe Sav-heol) gant e benntalbarzh plaen, gant pevar fortal hag ur virell lieskognek a-us an tenn-kroaz.
- e dibenn ar pemzekvet kantved e vo kemeret lec'h ar penntalbarzh gant un absidenn lieskognek, ha flammek he doare.
- er c'hwezekvet kantved (1535) : al lodenn vervent (pe war-du an avel-draon) disac'het a vo adsavet hervez doare an Azginivelezh, gant Yann ar Moal eus Gwengamp.
Ne vo ket kemmet bras ar savadur gant an adoazadurioù war-lerc'h ; graet ez eus bet un adoazadur diabarzh pouezus e-kreiz an naontekvet kantved : ar volzioù, an aoterioù, ar gwerennoù-livet (pe : gwerelloù)...
<dl class='spip_document_71 spip_documents spip_documents_left' style='float:left;'>

Plan an iliz-rouanez

Gweladenn an diavaez

Porched an Itron-Varia (a sko war an Hanternoz) :

<dl class='spip_document_73 spip_documents spip_documents_right' style='float:right;'>



Milhendall portal an Hanternoz

Treset eo ur milhendall war ar pavezadur ; delwenn Itron-Varia-Wir-Sikour (â€œar Werc'hez duâ€•), a-us d'an aoter vihan, a zo pedet abaoe kantvedoù ha kantvedoù.

<dl class='spip_document_76 spip_documents spip_documents_right' style='float:right;'>



Gwerc'hez du Gwengamp (portal an Itron Varia, tu an Hanternoz)

Sevel a ra delwennoù an Ebestel d'an naontekvet kantved (Ogée)

" Pardon bras Itron-Varia-Wir-Sikour Gwengamp 'zo bep bloaz e penn-kentañ miz Gouere : un oferenn d'ar sadorn d'an noz dreistholl, hag un dibunadeg gouleier, gant un tantad e pep hini eus tri c'horn tachenn ar C'hoc'hu (pe Gwiler ar c'hreiz-kêr, hiziv an deiz). Pardon Sant-Loup zo, d'an trede sul miz Gouere.

" Dor Santez-Janed (uheloc'h eget hini ar Werc'hez) : beget eo an talbenn diglink gant talbennoù dre niver, ha gargoulioù a bep tu d'ar portal.



En diavaez (tu an Hanternoz) war-du ar straed Itron-Varia, gargouilhoù.

" War-lerc'h ar souboul (pe sekretiri), war ar reter, emañ ar penn-chantele lieskognek gant e werennoù-livet dindan e skoroù-bolzek diavez, hag e aspledoù.

An talbenn-kreisteiz a ziskouez dimp (a Reter da Gornog) :

" an absidenn, a sav d'ar pemzekvet kantved.

" Savadur ar pevarzekvet kantved gant Dor an Dug, ha dindan ur werell skedus. Beget eo gant ar virell hag ha fevar kloc'hdiig.

" al lodenn adsavet er c'hwezekvet kantved : kinkladur an Azginivelezh, prenestroù ar sal-uhel, âœtour bras an orolajâ€• (diveget, gant e vrimbalaz brudet) gant gargoulioù stumm kanolioù a-bep tu dezhañ, hag un eurier-heol.

<dl class='spip_document_82 spip_documents spip_documents_right' style="float:right;">



Portal ar C'hornog, stumm an Azginivelezh.

" An talbenn-kornog a denn ar selloù diwar-bouez ar portal gant tour ar c'hwezekvet kantved, ha hini an trizekvet kantved a-bep tu dezhañ.

Kinklet kaer eo gant skeudennadurioù relijiel (delwenoù an Ebestel) hag eus ar bed (glasvez, orgedoù, hanterskeudennoù gant dilhad ar c'hwezekvet kantved, henskeudennoù).

Gweladennoù an diabarzh

Mont a reomp en diabarzh dre ar portal-kornog, ha goude, treiñ war an dorn kleiz (tu an Hanternoz) :

" amañ emañ sichenn tour an trizekvet kantved, hag ar prenestr gant lañsetez.

" Lennomp eñvorskritell savidigezh an iliz da iliz-rouanez e 1899, ardamezioù ha ger-stur ar Vreuriezh Wenn (âœfun trineud a-vec'h vo torretâœ).

" Adnev tu an Hanternoz e kavomp enni un armel gant relegoueroù, eus an triwec'hvet kantved.

" Ur werenn-livet a-zivout kurunadur ar Werc'hez Vari (1857).

" Gwerenn-livet gouestl ar brezel 1870.

" A-us da borched Santez-Janed : ur werenn-livet eus an naontekvet kantved a zispleg dimp buhez Frañseza Amboaz, Kontez Gwengamp he Dugez Vreizh d'ar pemzekvet kantved.

" Ar groazenn a zo damguzhet gant pemp nev (sellomp ha gwelomp bolzioù-gwareg stumm roman an tenn-kroaz).

" Aoter an Anaon e maen Kersanton dindan delwenn arnevez Santez Anna.

Pennoù-chin en-dro d'ar chantele

" Er chantele, e-lec'h m'emañ bremañ an aoter-veur, e welomp skoazioù-pleg an diabarzh.

<dl class='spip_document_80 spip_documents spip_documents_right' style="float:right;">

An triforium

" E traoñ an absidenn e welomp bodad dispar Degemenn d'ar Werc'hez, tammoù diwar stern-aoter kozh ar Basion,



Stern-aoter kozh ar Basion

hag ur c'hloc'h a sav d'ar pemzekvet kantved.

<dl class='spip_document_75 spip_documents spip_documents_right' style="float:right;">



Digemer d'ar Werc'hez : Mari (tu kleiz) hag an Ael Gabriel (a-zehou)

Sevel a ra an holl werelloù pe werennoù-livet-mañ da eil hanterenn an naontekvet kantved (ardamezhioù an donezonerien).

War-du ar C'hreizteiz e vez kavet :

" Logvez Rolan Koadgoureden, senesal an Dug Charlez Bleiz (pevarzekvet kantved).

" Eñvordaolenn brezel 1914-1918.

" Aoter ar Sakramant en ul logvez kozh, e-lec'h ma oa an aoter bet distrujet e miz eost 1944, gant mein ar virell o tisac'hañ diwar un tenn-kanol amerikan.

" Dor an Dug, o tigeriñ diouzh tu ar C'hreizeiz war Gwiler ar C'hastell, lec'h ma teue Dug Breizh a-wechoù da chom.

" Logvez an Aotrou Morel, eskob Landreger (dibenn ar pevarzekvet kantved).

" Delwenn gozh Sant Jakez pe Jalm.

" War bevar c'horn ur piler ez eo bet kizellet delwennoù ar Pevar Vertuz (Kerreizhded, Evezhierzh, Reizhder, Nerzh). Gwelit en traoñ er portfolio.

" Ograoù Loret (1865), sterniet en ur gloestr bet kizellet er seitekvet kantved (1646) evit ul lod, gwellaet en naontekvet kantved hag adrenket (3 c'hlaouier) e 1975-76 gant Renaud.

An aograoù

Amañ e sav an holl werelloù d'an ugentvet kantved, graet e stal-labour Sainte-Marie Kintin (er C'hornog, hini kaer ar Sul-Gwenn pe Pantekost).

" Ar maen-badez a zo bet graet en naontekvet kantved.

<dl class='spip_document_77 spip_documents spip_documents_right' style="float:right;">

Adnev ar C'hreisteiz

" An nev-iliz eo pouezus sellout enni ouzh an diforc'h etre tu an Hanternoz, awenet gant ar pleusk gotek, ha hini ar c'hreisteiz e stumm an Azginivelezh.

" Sevel a ra ar gador-brezek d'an naontekvet kantved.

" Emañ delwenn lidkerzh Itron-Varia-Wir-Sikour e-tal an aograoù.



Delwenn-lidkerzh Itron-Varia-Wir-Sikour

(*Troidigezh gant KL, fotoioù gant Jef Philippe*)

Post-scriptum :

Testenn tennet eus ar baperenn bet embannet gant parrez Gwengamp.